



NATIONAL SENIOR CERTIFICATE EXAMINATION
NOVEMBER 2018

ISIZULU ULIMI LOKUQALA LOKWENGEZA: IPHEPHA I
ISIZULU FIRST ADDITIONAL LANGUAGE: PAPER I

Isikhathi: Amahora ama-2½

Amamaki ayi-100

QAPHELA LOKHU OKULANDELAYO

1. Leli phepha linamakhasi ayi-16. Qiniseka ukuthi nelakho liphelele.
 2. Leli phepha lineziqephu EZINE.
 3. Phendula zonke IZIQEPHU.
 4. Qala isiqephu ekhasini elisha.
 5. Izinombolo zezimpendulo zakho mazibe njengasephepheni, UNGAZIGUQULI.
 6. Qiniseka ukuthi awuyixovi imibuzo.
 7. Phendula yonke imibuzo ngesiZulu.
 8. Shiya umugqa emva kwempendulo.
 9. Bhala ngokucacileyo nangobunono ukuze kube lula ukumaka umsebenzi wakho.
-

ISIQEPHU A ISIFUNDO SOKUQONDISISA**UMBUZO 1**

Funda le ngxoxo bese uphendula imibuzo elandelayo.

(Uthisha unika abafundi amaphepha e-test, uSipho uphakamisa isandla)

Uthisha: Yebo Sipho ngingakusiza ngani?

USipho: Ngicela ukubuza thisha ukuthi njengoba usinika i-test nje, wasitshela nini ngayo?



Uthisha: *(Kuyabonakala ukuthi uyamthukuthelisa lo mbuzo)*. Anginaso isikhathi sokudlala Sipho. Sonke isikhathi wena ufuna ukuphazamisa umsebenzi wami. Kufanele ukulungele ukubhala i-test noma nini uma ungumfundi. *(Uthisha washo la mazwi waqhubeka nokubeka amaphepha emadeskini abafundi)*.

USipho: Ngiyaxolisa thisha, mina angilwi nawe bengibuza nje. Kungcono ukuthi usitshela uma sizobhala i-test ukuze sizilungiselele. Izongena kwi-portfolio?

Uthisha: Yebo Sipho lo msebenzi ngowe-portfolio. Kunomhlangano wothisha kusasa eSt Anthony's College. Kufanele ngihambe namamaki ayo le test. Kubalulekile-ke ukuthi nibhale manje.

USipho: Hawu, Miss Khumalo! Usifakela ingcindezi (pressure) nje ngoba unomhlangano kusasa? Ubungazi yini ngalo mhlangano?

Uthisha: Sipho, *shut up!* Ufuna ngikuxoshe ekilasini lami? Uyafuna ukubhala noma cha? *(uthisha wabuza lo mbuzo ngolaka olukhulu)*.

USindi: Uqinisile uSipho Miss. Kunzima ukubhala i-test ongatshelwanga ngayo. Mina ngiyavumelana noSipho.

Uthisha: Nawe Sindi uhambisana nalo mbhedo? (*Ethukuthele*). Ngicela niphume ekilasini lami nobabili! Phumani manje uma ningafuni ngibize uthishomkhulu.

(*Abafundi bonke bamemeze*): "Biza uthishomkhulu Miss, kulungile! Mbize!"

USipho: Ake nithule kancane *Grade 12*. Hlalani phansi!

(*Abafundi bahlale phansi*)

USipho: (*Ekhuluma nothisha*) Ngicela sikhulume kahle Miss. Thina siyafuna ukubhala. Inkinga ukuthi awusitshelanga nge-*test*. Sicela ukubhala ngesonto elizayo.

Uthisha: Sikhulumeni kahle Sipho? Uyabona ukuthi usuphazamise i-*lesson* yami?

USindi: Ngiyamxolisela uSipho Miss. Ngingambiza uthishomkhulu?

Uthisha: Vala umlonyana wakho wena! Ufuna ukumbizelani uthishomkhulu?

USipho: Sifuna ukuthi afike lapha azoxazulula le nkinga.

Uthisha: Kulungile ngizokhuluma naye. Niyezwa? Yimina engizoya kokhuluma naye. Nizoyibhala ngesonto elizayo i-*test*. (*Washo ethatha amaphepha uthisha*).

[Umbhalo wokuziqambela]

1.1 Phendula ngokuthi YIQINISO noma NGAMANGA.

1.1.1 Le ngxoxo yenzeka ekilasini. (1)

1.1.2 Uthisha ngumuntu wesilisa. (1)

1.1.3 Laba bafundi bakumatikuletsheni. (1)

1.2 USipho ucelani kuthisha? (1)

1.3 Ngokwendaba, uMiss Khumalo uzoyaphi ngosuku olulandelayo? (1)

1.4 Bhala **umqondophika** walawa magama (impendulo isendabeni).

1.4.1 uyamjabulisa (1)

1.4.2 impendulo (1)

1.5 Bhala **umqondofana** waleli gama (impendulo isendabeni).

kulukhuni (1)

1.6 Bhala amagama alandelayo ngesiZulu.

1.6.1 *Test* (1)1.6.2 *Miss* (1)

1.7 Ungamchaza njengomfundi onjani uSipho? Sekela impendulo yakho kahle. (2)

1.8 Wena ungathanda ukufundiswa nguthisha ofana no-Miss Khumalo? Sekela impendulo yakho ngamaphuzu amabili. (2)

1.9 Nika le ngxoxo **isihloko** esiyifanele. Kungani uyinika lesi sihloko? (2)
[16]

UMBUZO 2

Funda ngalesi sikhangiso bese uphendula imibuzo elandelayo.

E-AWESOME HOTEL SOUTH COAST (39 Kupholile Avenue, Margate, 4270 KZN)



Nakhu ozokuthola emagumbini okulala.

- Umabonakude one-DSTV
- Ikhishi
- Indawo eneziphuzo ezibandayo
- Umshini wokugunda
- Umshini wokwelula izinwele
- Umshini wekhofi netiye
- I-WiFi yamahhala

Ukuze uthole yonke imininingwane shayela kule nombolo: 0800 11 22 33 noma uthumele i-email ku: awesomehotel@gmail.com

Kunesipesheli!

Chitha iholidi lakho izinsuku eziyi-6 ngamanani aphansi.

Utholani ngemali yakho?

Izinsuku eziyi-6 kanye nekamelo eliphambili elikwi Holiday Beach View, yiHeritage Golf ne Ziyabuya Resort, isidlo sasemini, isidlo sakusihlwa, iziphuzo ezifana nama-*cocktails* aphambili namawayini aphambili namajusi ezithelo ezimnandi.

Uthi bewazi?

Uma ubhukuda olwandle uzogibela isikebhe futhi uthole u-ice cream mahhala.



[Umbhalo wokuziqambela, izithombe zithathwe kwi-inthanethi]

2.1 Ikusiphi **isifundazwe** le ndawo? Bhala igama le ndawo eliphelele. (1)

2.2 Yisipesheli sezinsuku ezingaki lesi? Bhala ngesiZulu. (1)

- 2.3 **Kuhle ukuvakashela le ndawo ehlobo.** Sekela lesi sitatimende ngokubhekisa endabeni. Bhala amaphuzu amabili. (2)
- 2.4 Isikhangiso asisitsheli/asivezi ukuthi yimalini ukuvakashela kule ndawo. Ungaluthola kanjani ulwazi lokuthi siyimalini lesi sipesheli? Bhala amaphuzu amabili. (2)

[6]**UMBUZO 3****Buka lesi sithombe bese uphendula imibuzo elandelayo.**

[Isithombe sithathwe kwi-inthanethi]

- 3.1 Nikeza amagama abantu besifazane ababili esithombeni. (1)
- 3.2 Gcwalisa:
- 3.2.1 UNkosikazi Smith ugqoke _____ emehlweni. (1)
- 3.2.2 UJohn uhleli _____ kukaNkosikazi Smith. (1)
- 3.3 Bhala lo musho ngesiZulu "*I will post this picture*". (1)
- 3.4 Abantu abasesithombeni babonakala ngani ukuthi bajabulile? (1)
- 3.5 Yikuphi okufanayo ngalaba bantu besilisa? (1)
- 3.6 Banabuphi ubudlelwano oThabani noZola? (1)
- 3.7 **Qedela** amazwi/inkulumo kaZola ngamagama akho. (1)

[8]**Amamaki angama-30**

ISIQEPHU B UKUFINGQA**UMBUZO 4**

- Funda le ndatshana bese UYIFINGQA ngamagama **angama-60** kuya **kwangama-70**.
- Bhala amaphuzu AMAHLANU ngemisho ephelele.
- Imisho yakho mayibe nezinombolo kusukela **kweyoku-1** kuya **kweyesi-5** NOMA **amabhulethi**.
- Sebenzisa amagama akho emishweni. UNGABHALI isigaba.
- Bhala kube **yinkulumo mbiko** (reported speech).
- Sebenzisa ulimi oluhle.
- Ekugcineni kwamaphuzu wonke owabhalile, bhala INANI lamagama owasebenzisile.



[Isithombe sithathwe: Isolezwe | 15 June 2016]

Igama lami nginguSamke. Ngithanda ukuchitha isikhathi nabangani bami. Esikhathini esiningi mina nabangani bami siya ejimini nasenkundleni yezemidlalo. Namhlanje wusuku olunzima impela! Silungiselela imidlalo ehlukahlukene yamanyuvesi. Kuzoba khona ibhola lezinyawo, ithenisi, ibhola lombhoxo, ibhola lezandla nokubhukuda. Le midlalo izoba senyuvesi yase-Grahamstown, i-Rhodes University, ngamaholidi kaDisemba. Kuzodlala amaqembu amantombazane nabafana. Kulindeleke lawa manyuvesi: i-Rhodes, iNyuvesi yaseKapa, iNyuvesi yaKwaZulu-Natali, iNyuvesi yaseGoli kanye namanye. Inyuvesi yethu, i-Wits, izohamba ngebhasi ukuya eRhodes. Kule ndatshana ngizokhuluma ngomdlalo wami, ibhola lezinyawo.

Mina nabangani bami silungiselela ukudlala ibhola lezinyawo. Inyuvesi yethu, kulindeleke ukuthi iphumelele emdlalweni webhola lezinyawo ngoba inabadlali abadlala kahle kakhulu. Siphumelele kuyo yonke imidlalo esiyidlalile kulo nyaka. Mina ngifake amagoli amaningi kakhulu. Iqembu lami livotele mina ukuba ngukaputeni. Ngiyajabula ngokuthola leli thuba.

Umqeqeshi wethu nguThandi Dlamini owayehola iqembu leBanyana Banyana. Siyamhlonipha kakhulu uThandi, naye uyasihlonipha. Kumnandi ukuqeqeshwa nguThandi ngoba unolwazi oluningi lwebhola. U-Coach Thandi usitshela ukuthi kufanele sizinike isikhathi sokuya ejimini kathathu ngesonto. Njalo ngezimpelasonto umqeqeshi ufuna sidlale imidlalo ukuze kufike isikhathi sale midlalo yamanyuvesi sesilunge kahle.

Indlela esidla ngayo ihlukile kulezi zinsuku. Sidla izithelo nemifino eminingi nsuku zonke futhi siphuza amanzi amaningi. Umqeqeshi ufuna sidle inyama yenkukhu nenhlanzi. Sinohlelo lokudla esikudla zonke izinsuku. Kubalulekile ukudla ukudla okunempilo uma sifuna ukuphumelela. Umqeqeshi wethu uyasikhuthaza ukuthi silale isikhathi esanele ukuze sivuke sifunde kahle enyuvesi siphinde futhi sikwazi nokudlala kahle.

Iqembu elizophumelela ebholeni lezinyawo lizothola indebe yegolide. Lizothola nethuba lokuyobukela umdlalo we-Barcelona ne-Real Madrid e-Spain ngonyaka ka 2019. Bonke abadlali beqembu lethu bazimisele ngokuphumelela ukuze sikwazi ukuya e-Spain.

[Umbhalo wokuziqambela]

Ekufingqeni kwakho, bheka lokhu:

- Ukulungiselela (2)
- Umdlalo (2)
- Umqeqeshi kaSamke (2)
- Indlela yokuziphatha (2)
- Imiphumela yokudlala kahle (2)

Amamaki angama-10

ISIQEPHU C IZINKONDLO**Izinkondlo ezifundwe ekilasini.****Phendula imibuzo elandelayo ngezinkondlo ozifundile.****UMBUZO 5****Inkondlo A****UKWENELISEKA – P. Luthuli**

- 1 Thakasa tshakadula mntanomuntu;
- 2 Amazw' akh' asewukel' ekunqobeni;
- 3 Kweyam' impil' angikaze ngikuzw' okunje,
- 4 Ngingakaze ngikuzw' ukucotshwa;
- 5 Amazw' akh' ayangicoba kanye-
- 6 Kuthi tsha ... kuthi tshwe ... enhliziyweni.

- 7 Kuzigidigidi usisitheka nomthwalo,
- 8 Umthwal' obungethulwe muntu-
- 9 Ngaphandle kwam' ongikhethile;
- 10 Iqiniso limi njalo aliguquki;
- 11 Wangisombulula kwabaningi
- 12 Ngenxa yentshisekel' owayizwa.

- 13 Thakasa tshakadula muntu wabantu;
- 14 Uthakase ngemfumb' engiyifumbethe;
- 15 Uqagele khonan' ekhwapheni lami,
- 16 Ikhwaph' elingafihle bubi nabuthi-
- 17 Ikhwaph' eliphafuz' elimnand' iphunga;
- 18 Yeb' uzakophulwa kusukela manje,
- 19 Ukutheleka kwam' ukwethaba kwakho.

- 20 Ukulila kwakho kuzwakele;
- 21 Nokh' iyahlangana le nto mfo wezizwe,
- 22 Ucu selweluliwe lungakulingana;
- 23 Ucu lulind' umnini walo
- 24 Qede lumlingane ncamashi
- 25

5.1 Khetha impendulo efanele kwezilandelayo:

Imbongi inokwaneliseka ngoba: (Inomuzwa wothando, inephunga elimnandi, ibona umuntu wabantu ejabulile).

(1)

5.2 Bhala indikimba yale nkondlo.

(1)

5.3 Enhliziyweni, kusuke kunjani uma kuthi tsha ... tshwe?

(1)

5.4 Luhlobo luni lwenkondlo lolu? Sekela impendulo yakho.

(2)

5.5 Imbongi ingumuntu wesifazane. Sekela lesi sitatimende ngokwenkondlo.

(2)

[7]

UMBUZO 6**Inkondlo B**

- | | |
|----|-------------------------------------|
| 1 | Lase liya kozilahla kunina |
| 2 | Ngihleli egqumeni ngiphumule, |
| 3 | Ngambona uBadelile eza, |
| 4 | Ehaya ingoma yakhe yemihla; |
| 5 | "Kwasuke kwafika abelungu |
| 6 | Bavula ijoyini, yamthatha |
| 7 | UFalakhe wakhohlwa yimi." |
| 8 | Kwakwal' insizw' imethembisi' iZulu |
| 9 | Kwakwal' insizw' ish' ukumlobola, |
| 10 | Kodwa phind' uBadelil' ukuvuma, |
| 11 | Wahlalel' ethembeni njalo, |
| 12 | Ngelinye ilanga uyoza |
| 13 | Ngo "Sikhulekile", sekuwuFalakhe. |
| 14 | Kwakwala izintombi zimbhuqa, |
| 15 | Zikhuluma zigegisa amazwi, |
| 16 | Linye elikaBadelile, |
| 17 | "Uyobuya uFalakhe!" |
| 18 | Yebo lalikhulu ithemba, |
| 19 | Yebo lalikhulu negugu, |
| 20 | Enhliziyweni yakh' engekho |
| 21 | Ayengamthanda njengoFalakhe. |
| 22 | |

- 6.1 Bhala **isihloko** sale nkondlo. (1)
- 6.2 Ngubani uFalakhe? Chaza ngokubhala **umusho owodwa**. (1)
- 6.3 **Tomula** imigqa enalokhu enkondlweni:
- 6.3.1 ukwenzasamuntu (1)
- 6.3.2 isifaniso (1)
- 6.4 Chaza le migqa ngamazwi akho:
- Ngelinye ilanga uyoza**
Ngo "Sikhulekile", sekuwuFalakhe. (1)
- 6.5 Yimuphi **umyalezo** otholakala kule nkondlo? Bhala iphuzu elilodwa. (1)
- [6]**

UMBUZO 7**Inkondlo C****NKUMBULO NGISE – K. Mthembu**

- 1 Nkumbulo ngihole
- 2 Ngishaye kancane emva kwakho.
- 3 Ungise la ngingeke ngifike khona,
- 4 Ungise la kufis' inhliziy' ukuba khona
- 5 Kwabangangibona qede sixhagane
- 6 Sikhihl' isililo senjabulo' engapheli.

- 7 Ngihole nkumbulo ngiwel' imifula,
- 8 Ungithi qithi eceleni kwezithandwa zomphefumulo,
- 9 Ungithi qithi phansi kwezihlahla zomyezane,
- 10 Ungithi qithi la kukhala khon' opholil' umculo.
- 11 Yebo, kweligenaziphithiphithi izwe leli.
- 12 Yebo, lapho kulele khon' abazali bami.

- 13 Nkumbulo ngiholele ngale kwamafu,
- 14 Ngiyobon' engibaphupha kwesikabhadakazi
- 15 Bexoxa bengilandisa ngithathekile,
- 16 Bengipha ngithathe, ngibeke.
- 17 Kuse qala, qala, do!

- 18 Ngithathe nkumbulo ungise elibeni likababa nomama;
- 19 Uma bebezongizwa bengiyokhuluma, pho-ke ...
- 20 Uma bebeyongiphendula bengiyobuza, pho-ke ...
- 21 Akusenani, sengiyozotha ngibeke lesi sixha sezimbali,
- 22 Noma ngingeyokubezwa, ngiyethemba bayobonga.

- 7.1 Bakuphi abazali bembongi? (1)
 - 7.2 Enkondlweni, **thola** igama (amagama) elichaza lokhu:
 - 7.2.1 phakathi nobusuku (1)
 - 7.2.2 ukukhala kakhulu (1)
 - 7.3 Iyiphi **inzwa** esetshenzisiwe emugqeni 17? (1)
 - 7.4 Unjani **umoya** wale nkondlo? Chaza kahle ukuthi kungani usho njalo. (3)
- [7]**

Inkondlo engafundwanga ekilasini.**UMBUZO 8****AMAPHUPHO AMI AFEZEKILE – S.Z. Ntshangase**

- 1 Ngiwuzungezil' umhlaba,
- 2 Ngizibonil' ezimhlophe nezinsundu,
- 3 Zihlobile zikhazimulis' okwethusi,
- 4 Zihlobe ngemibal' enhlobonhlobo,
- 5 Zizinde, zishayela phezulu.
- 6 Ngizibukile, ngadela.
- 7 Nokh' aziyithumbang' eyam' inhliziyo.

- 8 **Ilanga liphum' eMpumalanga lamamatheka,**
- 9 **Ngalibuka licothoza kancane kuhle kukamakoti.**
- 10 Ngizwe ngigcwal' umunyu,
- 11 Umunyu wentokoz' elokozayo.

- 12 Lapho selibantu bahle
- 13 Ngithe ngiyaqalaza ngazithela phezulu kwale mbali,
- 14 Iqhakaze qed' inhliziyo yami yavuleka
- 15 Yachichim' intokozo,
- 16 Amaphuph' am' ayafezeka.

- 17 Ngizw' isivuvu somlilo,
- 18 Umlil' osh' ubuhanguhangu.
- 19 Uyavutha ngaphakathi kumina
- 20 Uyavutha ngaphakathi kuwena
- 21 Uyavutha ngaphakathi kuthina.
- 22 Amaphuph' am' ayafezeka.

- 23 Amehlokaz' akh' ambulungana
- 24 Athi bhanya qede kubande kwamancane
- 25 Ayayigez' eyam' inhliziyo.


- 26 Njengengan' ekhasayo
- 27 Ngikhasel' ezinyaweni zakho
- 28 Size siyohlukaniswa izindunduma zethuna,
- 29 Amaphuph' am' asefezekile.

- 8.1 Isitanza sokuqala sinemigqa **evalekile**. Sekela lesi sitatimende. (1)
- 8.2 Thola lokhu okungezansi enkondlweni:
- 8.2.1 Impindwa (1)
- 8.2.2 Isizura (esitanzeni sokuqala) (1)
- 8.2.3 I-enjambamenti (esitanzeni sesithathu) (1)
- 8.3 Ichaza ukuthini imbongi **emugqeni 15**? Bhala ngamagama akho. (1)
- 8.4 Phawula ngezitanga zale nkondlo. (1)
- 8.5 Esitanzeni sokuqala veza lokhu:
- 8.5.1 uhlobo **lwemvumelwano** nesibonelo. (2)
- 8.5.2 uhlobo **lokuxhumana** nesibonelo. (2)
- [10]

Amamaki angama-30

ISIQEPHU D UHLELO NOKUSETSHENZISWA KOLIMI**UMBUZO 9**

Sebenzisa le khathuni ukwenza umsebenzi olandelayo.



[Isithombe sithathwe kwi-inthanethi]

- 9.1 Lungisa amagama akubakaki ukuze kuzwakale kahle. Bhala impendulo kuphela.

Umndeni wami 9.1.1 (**amalunga**) ayisithupha. Njalo ngezimpelasonto sishiya imoto ekhaya ukuze 9.1.2 (**hamba**) emgwaqweni ngoba kunempilo. Ubaba 9.1.3 (**umama**) bathanda ukusihola phambili kodwa mina 9.1.4 (**inja**) yami uNtofo sivamise ukulandela ngemuva.

(4)

- 9.2 Bhala **izivumelwano zesiphawulo** emagameni abhalwe ngokugqamile.

9.2.1 Ubaba nguyena (**-de**) kunathi sonke emndenini.

(1)

9.2.2 Ekhaya kukhona intombazane (**-hle**).

(1)

9.2.3 Ilunga lomndeni (**-ncane**) nguNtofo.

(1)

- 9.3 Bhala **izifinyezi/izifinyezo** zamagama abhalwe ngokugqamile.

Isibonelo:

njalo njalo = njll.

9.3.1 Sheshani **nkosikazi** ukuze sifike kusavuliwe!

(1)

9.3.2 **UMnumzane** Dlamini uyawuthanda umndeni wakhe.

(1)

9.4 **Phikisa** le misho elandelayo.

9.4.1 Ubaba mude kunomama wami. (1)

9.4.2 Lo mndeni uhamba ngemoto namhlanje. (1)

9.5 Lungisa le misho ngokubhala **izimpambosi** ezifanele.

9.5.1 Umndeni wami (**ukhipha**) ngubaba njalo ngoMgqibelo. (1)

9.5.2 Abazali (**uthenga**) abantwana izimpahla edolobheni. (1)

9.5.3 Lo mfana (**ubheka**) nenja yakhe uNtofo. (1)

9.6 Bhala **ondaweni** esikhundleni samagama akubakaki.

9.6.1 Umama wakhe unenkinga (izingalo). (1)

9.6.2 Bashiye kungekho muntu (ikhaya). (1)

[16]

UMBUZO 10

Sebenzisa ikhava yephephabhuku elandelayo ukuphendula imibuzo.



10.1 **Nciphisa** amagama abhalwe ngokugqamile. Bhala impendulo kuphela.

10.1.1 Lo **unyaka** wokuzijabulisa ngomculo.

(1)

10.1.2 UKabelo ubhale **incwadi**.

(1)

10.1.3 Okuphambili kokubhukuda okufanele **umzimba** wakho.

(1)

10.1.4 **Izinwele** ezinhle ngezomshado.

(1)

10.2 **Khetha** isihlanganiso esilungile bese usisebenzisa kule misho elandelayo.

Bhala imisho ephelele, **UNGASIPHINDI** isihlanganiso.

UKUZE, NGAkho-KE, MHLA, UMA

10.2.1 ULira ucula izingoma zothando. ULira uyajabula. (1)

10.2.2 Umngani wami ufuna ukudlala umculo kaLira. Uyashada. (1)

10.2.3 Ngilalele umculo kaLira. Wena ungangiphazamisi. (1)

10.3 Guqula amagama agqamile abe **yisabizwana soqobo**.

10.3.1 **Abaculi** besimanje bayathanda ukumoyizela. (½)

10.3.2 **Ingubo** yakhe iveza isisu. (½)

10.4 **'ABACULI BASENINGIZIMU AFRIKA BAHOLA IMALI ENINGI'**

Qala lo musho ongenhla kanje:

10.4.1 Ngonyaka ozayo ... (1)

10.4.2 Izolo ... (1)

[10]

UMBUZO 11

Funda lesi siqeshana bese wenza umsebenzi olandelayo.

Unyaka ka 2018 usiphathe kahle. Asikholwa ukuthi sibhala isivivinyo sokuhlolwa kwethu kokugcina ngoba le **yinyanga** yezivivinyo zethu zokugcina. Ekugcineni, sesizolithola nath' ithuba lok'phumula.

11.1 Sebenzisa **upelomagama** olufanele ukulungisa umusho olandelayo:

Ekugcineni, sesizolithola nath' ithuba lok'phumula. (1)

11.2 Sebenzisa igama elithi **INYANGA** emishweni emithathu ozakhele yona ukuze kuvele imiqondo emithathu ehlukenene.

UNGABHALI umusho osendabeni. (3)

[4]

Amamaki angama-30

Amamaki esewonke: 100